

左
通
補
釋

補釋四

起閔公元
年盡二年

左通一

錢塘梁履繩學

元閔狄人伐邢解狄伐邢在往年冬

狄其衆不一北狄地在今大同路

今山西大同府

赤狄地在今廣

平路

今直隸廣平府

白狄地在今延安路

今陝西延安府

以地之相近攷

之當是赤狄邢國在今順德路邢臺縣

今直隸順德府邢臺縣

案二年衛及狄人戰于癸澤紀年書爲赤狄

俞阜春秋

集傳釋義

大成三

則此亦赤狄無疑大事表曰自宣十五年已前凡單以狄

舉者皆赤狄也而呂氏春秋簡選篇云中山亡邢中山一

名鮮虞白狄別種

見昭十二年定四年

且亡邢者衛

僖二十五年

均與傳

不合高河東不據以駁之何也

簡書同惡相恤之謂也

正義

同有所惡則相憂之謂也

言同惡於彼其相憂念故奔命相救成七年左傳曰子重

奔命是也

詩出車正義

盟于落姑解齊地

在今山東泰安府平陰縣界

大事表七之一

因重固解能重能固則當就成之

因就也从口大徐鍇曰左傳曰植有禮

案植乃親之諱亦涉書仲虺之誥文

因重固能大者衆圍就之

案亦見繫傳惠氏補注以爲杜氏從許君說誤說文六下

趙夙

趙夙叔帶五世孫

杜氏世族譜

秦本紀周穆王以趙城封造父

案今爲山西霍州趙城縣

造父族由此爲趙氏則亦以邑爲氏也

萬光泰氏

族略

畢萬解魏犇祖父正義魏世家畢萬生武子世本畢萬生芒

季季生武仲州州卽犇也杜以萬爲犇之祖父依世本也

魏氏始祖畢公高封於畢爲畢氏詳傳二十四年案畢公高周文

王第十五子蓋庶子也故云姬姓之別族武王伐紂而高

封於畢其後絕封爲庶人其苗裔曰畢萬本史記通志氏族略二世

本云萬生芒季衆今本誤作萬生芒芒生季據左傳正義史記索隱唐書世系表校改季生

武仲州州生莊子降降生獻子茶茶生簡子取取生襄子

多禮記樂記正義案惠氏補注曰州卽犇也降卽絳也茶卽舒

也多卽曼多也宰相世系唐書宰相世系表二中曰犇生悼子悼子

生昭子絳史記魏系家索隱曰系本云武仲生莊子絳無

悼子

案史記云武子生悼子世系表及氏族略並本之

又系本居篇曰魏悼子徙

霍則是有悼子系本卿大夫代自脫耳

案成十八年杜解絳魏犇子正義據

魏世家以爲絳是犇孫計其年世孫應是也晉語七章注同杜

昭子徐廣曰世本曰莊子

索隱曰系本錯也居篇又曰昭子徙安邑亦與此文同

案左

傳作莊子氏族略云莊子徙治安邑是也

又案襄二十三年杜解云絳獻子之

父而史記曰昭子生魏羸羸生獻子索隱引系本亦云無

魏羸惟世系表與史記同杜氏特依世本耳故於定十三

年解云襄子魏舒孫曼多也亦因世本中有簡子一代乃

史記曰魏獻子生魏侈世系表亦曰舒生襄子曼多侈亦

作哆謚簡子是襄子曼多之父曼多公羊稱多史記遂以

多爲侈哆古字通也

餘見定十三年

以滅耿解平陽皮氏縣東南有耿鄉

耿氏姬姓商時侯國閔元年爲晉所滅今河中龍門縣南

十二里故耿城是尚書祖乙圮于耿是此地也通志氏族略二今

山西絳州河津縣南十二里有耿城大事表五

滅霍解永安縣東北有霍大山

霍氏周文王第八子霍叔處之國本史記管蔡世家今晉州霍邑

是其地閔元年晉滅之通志氏族略二降霍叔于庶人書蔡仲之命三

年之後乃齒錄封爲霍侯又今山西霍州西十六里有古

霍城大事表五霍有二閔元年晉滅霍霍國也哀四年襲梁及

霍蠻子邑也春秋分記驪理書十一案書正義云世家惟云封霍

不聞其裔傳或當有所據愚攷穆天子傳霍侯舊告薨紀

年亦書霍侯其爲侯爵可知路史國名紀乃以爲伯爵始

以文五年傳有霍伯而誤爾

逸周書世俘解武王禽霍侯必助紂爲惡之人故討之疑

滅霍之後卽封叔處也

先爲之極

服虔曰言其祿位極盡於此也

史記晉世家集解

爲吳大伯解大伯周大王之適子知其父欲立季歷故讓位而適吳

大伯讓季歷遠適吳越後武王追封爲吳伯故曰吳大伯

國語晉語一注

穆天子傳云大王亶父之始作西土封其元子吳

大伯于東吳上文分之都城而位以卿是以大伯之地處之但曲沃在近地故欲使逃之以順父志

惠氏補注一

案惠

半農之說

定宇述其父言

本國語士薦既勸其逃杜原款亦云棄

寵竄伏半農深得其旨矣

下年傳梁餘子養先丹木之言皆然

特據穆天子

傳以爲太王封吳太伯殊不足信大伯因避季歷遁迹荆蠻若太王遠封太伯則是顯斥其元子太王聖人必不出此且太伯奉命就國何必託言采藥耶尤可疑者太王身居商之藩服吳地雖屬蠻夷安能擅封其子故史記云太伯奔荆蠻義而歸之者千餘家立爲吳太伯其非太王所封可知至武王克殷求太伯之後封爲吳伯吳語所謂命圭有命曰吳伯是也韋昭謂追封之蓋本此索隱云案范甯解論語曰太者善大之稱伯者長也伯是字又是爵但其名史籍先闕耳愚謂吳名起於太伯

本索隱

而太伯之號

卽吳民所奉後遂仍而不改不加謚齋所以明尊非因封
吳伯而始稱吳太伯也韋說尚未分哲聊附辨之

卜偃解晉掌卜大夫

卜偃晉掌卜大夫郭偃也

國語晉語二注

案呂氏春秋當染篇

晉文公染於咎犯郤偃太平御覽治道部一作郭偃作郤
者形近而譌墨子所染篇作高偃乃郭音之轉耳

以是始賞天啟之矣

服虔曰以魏賞畢萬是爲天開其福

史記晉世家集解

天子曰兆民

萬億曰兆天子曰兆民

禮記內則注

萬億曰兆者依如算法億

之數有大小二法其小數以十爲等十萬爲億十億爲兆

也案孝經釋文云十億曰兆百萬曰兆民其大數以萬爲等萬至萬是萬萬

爲億又從億而數至萬億曰兆億億曰秭故詩頌毛傳曰數萬至萬曰億數億至億曰秭兆在億秭之間是大數之

法

案呂氏春秋孟冬紀注兆大數也又正義

閔二虢公敗犬戎于渭汭解犬戎西戎別在中國者渭水出隴西東入河水之隈曲曰汭

犬戎在今陝西鳳翔府境案卽周之玁狁也案犬戎卽混夷亦稱犬夷

詳大雅史記匈奴傳西伯昌伐畎夷穆王伐犬戎幽王

時申侯與犬戎共攻殺幽王于驪山之下遂取焦穫而居于涇渭之間晉文侯與秦襄公救周逐出之其遺種尚畱居渭濱本與山戎及陸渾各爲一族其地亦殊史記混諸

戎而一之并混戎狄而一之疏略甚矣渭汭乃渭水入河處虢之西境在今陝西同州府華陰縣界

大事表三十九

夏吉禘于莊公解三年喪畢致新死者之主於廟廟之遠主當遷入祧因是大祭以審昭穆謂之禘莊公喪制未闋時別立廟廟成而吉祭又不於大廟故詳書以示譏

案杜氏以審諦昭穆謂之禘合食羣廟謂之祫祫卽禘禘卽祫一祭而有二名也故閔二年僖八年之書禘禘也文二年大事于太廟躋僖公公穀皆以爲祫祫卽禘也故杜氏亦以大事爲禘宣八年有事于大廟亦禘也故孔氏正義亦謂之禘昭十五年有事于武宮傳明稱禘于武公定八年從祀先公傳明稱禘于僖公又昭二十五年禘於襄

公傳文灼灼可據故無論經書大事有事皆祫卽皆禘也
自朱子取趙伯循之說謂禘專祭始祖與始祖之所自出
不兼羣廟而以毀廟與未毀廟之主合食太廟謂之大祫
單就七廟合食謂之時祫

案論語集注及語錄采之伯循名匡唐河東人

夫后稷

之所自出何人謂魯也殊不知帝嚳原非稷契之父歷考
詩書及孔孟之文無一言及帝嚳者大雅之生民商頌之
長發魯頌之閟宮止及姜嫄之鳥無一言及稷契之父爲
何人者乃史公因世本之妄說謂稷契與帝堯爲親兄弟
果爾則堯在位七十載何不聞舉其親兄而必待舜舉之
乎孔子又何說禹稷躬稼而有天下乎世本創其說于前

案世本出於周末續於漢儒詳王伯厚漢藝文志攷證顏氏家訓書證篇據世紀謂左丘明作恐非而國語

魯語

史記

殷本紀及周本紀

與戴記

明堂位喪服小記大傳祭法

從而傳會于

後千年鉅典竟屬子虛愚嘗徧考三傳禮記孝經論語中庸之義疏與商周魯頌之樂章從無周祀帝嘗及魯祀文王爲所自出之文不知伯循據何典籍而云然也世特以朱子旣從其說不敢違異遂以經書大事爲禘祭有事爲時祭于禘無與不知其實皆禘也故今斷從左傳及杜氏之說

大事表十五

案萬斯大學禮賈疑略與此同文繁不錄

公傳奪卜齋田解公卽位年八歲

謂之公傳則周官三孤之一也上公之國孤一人魯侯國不應有孤曰公傳蓋僭置孤卿矣然名同孤卿而國政皆世卿司之

春秋分記職官書一

禮諸侯之子八歲受之少傅教之以

小學業小道焉履小節焉十五受太傅教之以大學業大

道焉履大節焉

公羊傳十年傳注

案徐彥公羊疏云皆載文志

文也注云小道小節正謂始甲典覓師受業大道大節謂博習盡誠也攷漢志無此文注義亦難曉今志中惟有古者八歲入小學一語何氏所引見尚書大傳略說大戴禮保傅篇及賈誼新書容經特小異爾

及密解魯地琅邪費縣北有密如亭

密在今山東沂州府費縣北

大事表七之一

使公子魚請解公子魚奚斯也

如傳文蓋名魚而字奚斯

詩閟宮正義

齊人取而殺之于夷

解夷魯地

夷闕

杜氏土地名

案哀八年公賓庚等與吳師戰于夷明日

舍于庚宗疑卽在魯東境

成季之將生也桓公使卜楚丘之父卜之云云又筮之

凡卜筮天子諸侯若大事則卜筮並用皆先筮後卜故筮

人云凡國之大事先筮而後卜春秋僖二十五年晉卜納

襄王得黃帝戰于阪泉之兆又筮之得大有之睽哀九年

晉卜伐宋亦卜而後筮是小事卜筮並用也但春秋亂世

皆先卜後筮不能如禮

禮記曲禮上正義

禮先筮而後卜春秋之

時魯桓公卜成季之生晉文公卜逆襄王獻公卜娶驪姬

傳

皆先卜而後筮何也物生自幽之乎明故有象而後有

數卜筮自明求乎幽故先筮而後卜後世先卜後筮失之

矣禮書七十三

問于兩社爲公室輔解兩社周社亳社兩社之間朝廷執政所在正義魯是周之諸侯云云

祭法云王爲羣姓立社曰大社王自爲立社曰王社諸侯爲百姓立社曰國社諸侯自爲立社曰侯社是各有二社又各有勝國之社故此云喪國之社屋之是天子有之也案春秋亳社災公羊云亡國之社蓋揜之揜其上而柴其下是魯有之也襄三十年左傳云烏鳴于亳社是宋有之也其所置之處小宗伯云右社稷左宗廟鄭云庫門內雉門外之左右爲羣姓立社者在庫門內之西自爲立者在藉田之中其亡國之社穀梁云亡國之社以爲廟屏戒或

在廟或在庫門內之東則亳社在東也魯之外朝在庫門之內東有亳社西有國社廟庭執政之處故云間于兩社也

案穀梁哀四年傳疏云周禮左宗廟右社稷彼謂天子諸侯之正社稷周禮又云決陰事于亳社明不與正同處明一在西一在東故左氏曰間于兩社爲公室輔是也

禮記郊特牲正義

與甯莊子矢解莊子甯速也

莊子衛正卿穆仲靜之子甯速也

國語晉語四注

甯速莊子甯跪

孫

案程氏世譜跪子穆仲靜杜氏世族譜

孔嬰齊殿

孔氏嬰齊子達

春秋分記世譜三

案孔達見文元年嬰齊卽其

父也杜譜列之雜人內蓋誤

及狄人戰于癸澤

解此癸澤當在河北正義禹貢云云

衛懿公及亦狄戰于洞澤

詳見攷異
竹書紀年

鄭云今塞爲平地

滎陽民猶謂其處爲滎澤在其縣東言在滎澤縣之東也
馬鄭王本皆作滎播春秋閔二年衛侯及狄人戰于滎澤
不名播也鄭玄謂衛狄戰在此地杜預云此滎澤當在河
北以衛敗方始渡河戰處必在河北蓋此澤跨河南北但
在河內多而得名耳

書禹貢
正義

案衛狄戰地或河北自有一

滎澤如魏獻子之所田別是一大陸

定元年

非禹貢之大陸

亦未可知

禹貢
指入

案此與鄭州之滎澤別故杜氏指爲

河北詳見宣十二年鄭焚澤下

遂滅衛解君死國散

滅者懿公死也君死於位曰滅

公羊昭二十三年
傳文

詩載馳箋

滅有二

義若國被兵寇敵人入而有之其君雖存而出奔國家多喪滅則謂之滅故左傳曰凡勝國曰滅

文十

齊滅譚譚子

奔莒

莊十

狄滅溫溫子奔衛

僖十

之類是也若本國雖存君與

敵戰而死亦謂之滅故云君死於位曰滅卽昭二十三年

胡子髡沈子逞滅之類是也

又正義

齊人使昭伯

解

昭伯惠公庶兄宣公子頑也

服虔云昭伯衛宣公之長庶伋之兄

詩牆有茨正義

生齊子

齊氏齊子昭伯子也齊子無子戴公以其子爲之後

杜氏世族

譜

案齊子未詳其名疑齊是其諡後遂以爲氏故昭元

年齊惡亦稱齊子

益之以共滕之民解共及滕衛別邑

共國今汲郡共縣

本隱元年杜解

案漢志共縣故國北山淇水所

出孟康曰共伯入爲三公者蓋其地逼近衛都故先爲國

而後許于衛也古共城爲今河南衛輝府輝縣治

大事表七之二

滕有二隱七年滕侯卒滕國也閔二年共滕之民衛邑也

春秋分記疆理書十一

案春秋地名攷略云滕無攷

以廬于曹解廬舍也曹衛下邑釋文曹詩作漕正義曹邑雖

闕不知其處當在河東近楚丘也

言國都亡滅且舍於此也

詩定之方中正義

曹詩所謂思須與漕

廬者無城郭之稱

日知錄三十一

鄭志荅張逸曰漕邑在河南

說見詩定之方中正義所引鄭志下乃孔氏語此誤也

今大名府滑縣

案滑縣今改屬河南衛輝

府南二十里有白馬故城是也

顧氏補正上

許穆夫人賦載馳

作賦一也以作詩所以鋪陳其志故作詩名曰賦左傳曰

許穆夫人賦載馳是也

詩載馳正義

詳見文十三年

與門材解使先立門戶

周禮掌舍爲壇墠宮棘門杜子春云棘門或爲材門賈疏曰衛文公居楚丘國家新立齊桓公共門材先令豎立門戶是以材木爲門也

惠氏補注一

案昭十八年鄭子產書焚

室而寬其征與之材亦是此義

重錦三十兩解重錦錦之熟細者

重猶善也春秋傳曰重錦三十兩

儀禮覲禮注

鄭人惡高克使帥師次于河上久而弗召師潰而歸高克奔陳鄭人爲之賦清人

清池水出清陽亭西南平地東北流逕清陽亭南東流卽

故清人城也詩所謂清人在彭

案毛傳云清邑也彭衛之河上鄭之郊也彭爲

高克邑也故杜預春秋釋例云中牟縣西有清陽亭是也

案中牟縣今隸河南開封府水經渠水注

於時有狄侵衛衛在河北鄭在河

南恐其渡河侵鄭故使高克將兵於河上禦之

詩清人正義

伐東山臯落氏

解

赤狄別種也臯落其氏族

正義

此云東山

當在晉東

上黨記曰東山在城東南晉申生所伐今名平羣

續漢書郡國志

五注清水東流逕臯落城北服虔曰赤翟之都也

水經河臯水四注

落氏姬姓今絳州垣縣

卽今山西絳州垣曲縣

西北六十里有臯落

城

通志氏族略二

里克解晉大夫

里克晉大夫里季子也

國語晉語一注

大子奉冢祀解冢大也

冢大也冢祀宗廟之祀也

邵竇左篇

以朝夕視君膳者也

解膳廚膳

師古曰熟食曰饗具食曰膳

漢書杜欽傳注

有守則從

服虔曰有代太子守則從君

史記晉世家集解

從曰撫軍守曰監國古之制也

服虔曰助君撫循軍士

晉世家集解

古者諸侯師出世子率與

守國次宜爲君者持棺絮從所以備不虞或時疾病相代

行

疏云春秋說文言率與守國者興衆也謂率衆以守國也左傳云大子之法君行則守是也其次宜爲君者謂

若太子母弟也

公

羊昭二十年傳注

君其舍之

服虔曰舍之置申生勿使將兵也

太平御覽皇親部十二

不對而退

服虔曰里克不對

太平御覽皇親部十二

公衣之偏衣解偏衣左右異色其半似公服

服虔曰偏衣偏袷之衣偏異色駁不純袷在中左右各異

故曰偏

見史記集解及太平御覽

此說詳於杜袷卽督也莊子緣督以

爲經

養生主
氏補注一

惠

佩之金玦解以金爲玦

師古曰半環曰玦

漢書五行志
中之上注

狐突解伯行重耳外祖父也

狐突晉同姓唐叔之後狐偃之父大戎伯行也

本晉語四
國語晉

語一

注一世本晉大夫大狐伯生突

通志氏
族略四

伯氏狐突字也

亦見

檀弓

晉

語二注

先友

先友晉大夫先丹木之族

晉語一注

先穀氏晉國士氏之別族

也隰叔初封于先故以爲氏

案先穀見宣十二年
通志氏族略五

梁餘子養

獲姓晉有梁餘子養

廣韻梁字注

梁氏之有梁餘氏餘子之別

也

通志氏族略序

案路史國名紀二曰梁餘少昊後嬴姓國遼

山縣河東圖和順縣晉大夫梁餘子養邑愚謂梁出自嬴

姓固已特以梁餘爲邑名未識何據今山西遼州和順縣

有梁榆水

本一統志此水已見水經清漳水注

又有梁榆城豈遂緣此傳會

耶

羊舌大夫

解叔向祖父也

正義

譜云羊舌氏晉之公族羊舌

其所食邑也或曰羊舌氏姓李名果有人盜羊而遺其頭不

敢不受受而埋之後盜羊事發辭連李氏李氏掘羊頭而示

之以明己不食唯識其舌舌存得免號曰羊舌氏也或曰者

不知誰爲此言杜所不從記異聞耳

昭三年正義同

晉武公子伯僑生文文生突羊舌大夫也又云晉之公族食邑於羊舌凡三縣一曰銅鞮二曰楊氏三曰平陽突生職職五子赤肸鮒虎季夙

唐書宰相世系表一下

羊舌氏靖侯之後

食采於此故爲羊舌大夫羊舌晉邑名未詳其所

通志氏族略三

案潛夫論志氏姓篇云羊舌氏晉姬姓系表通志所言

各異杜譖唯云公族者疑莫能定也昭五年傳羊舌四族不數季夙蓋早世無後其羊舌命氏之或說通志略亦引盜羊事與此同惟李果作季果疑傳寫有譌鄭漁仲詆爲不根之論而列女傳又云叔姬者羊舌子之妻也叔向叔魚之母也羊舌子好正不容於晉去而之三室之邑三室之邑人相與攘羊而遺之羊舌子不受叔姬曰夫子居晉

不容去之三室之邑又不容於三室之邑是於夫子不容也不如受之羊舌子受之曰爲胙與鮒烹之叔姬曰不可南方有鳥名曰乾吉食其子不擇肉子常不遂今胙與鮒童子也隨夫子而化者不可食以不義之肉不若埋之以明不與於是乃盛以甕埋壚陰後二年攘羊之事發都吏至羊舌子曰吾受之不敢食也發而視之則其骨存焉都吏曰君子哉羊舌子不與攘羊之事矣君子謂叔姬爲能防害遠疑據此埋羊又爲叔向父羊舌職之事傳說不同用廣聞見爾

握兵之要解謂佩金玦將上軍

握兵之要金玦之勢也金爲兵玦所以圖事決計也故爲

兵要

國語一注

時事之徵也衣身之章也

解章貴賤

師古曰徵證也章明也

漢書五行志中之上注

則衣之純解必以純色爲服

師古曰壹其色

五行志中之上注

今命以時卒閱其事也

解冬十二月閱盡之時

應劭曰卒盡也閱閉也謂十二月盡時也

五行志中之上注

龙涼冬殺金寒玦離

解寒涼殺離言無溫潤玦如環而缺不

連

師古曰涼薄也龙色不能純故曰薄也冬主殺氣金行在

西是謂之寒玦形半缺故云離

五行志中之上注

案薄寒曰涼

集韻故涼爲薄之別名義得相通故說文牀字繫傳云尤駁

雜之稱涼亦寒熱相半不純也晉語玦之以金銑者寒之

甚矣韋注云銑猶洗也洗洗寒兒

依宋庠本

言於太子無溫潤

也杜氏或卽本此正義謂金是秋之寒氣非也

受脤於社

解

脤宜社之肉盛以蜃器

正義

釋天云云

以兵凶戰危慮有負敗祭之以求其福宜故謂之宜王制

云宜乎社是也言受脤於社非受空器而已明器內有肉

是以祭社之肉盛之蜃器而賜之故說者皆以脤爲宜祭

於社之肉

餘見

成十三年正義詩縣正義

金玦不復

應劭曰復反也金玦猶決去不反意也

漢書五行志中之上注

人臣

賜玦則去

見大戴禮王度記

故曰不復

惠氏補注引荀子大略篇曰絕人以玦

顧氏補正

上

昔辛伯諗周桓公云解諗告也釋文說文云深謀

深諫也春秋傳曰辛伯諗周桓公臣錯曰據辛伯之言簡

而深故知爲深諫也

說文諗字繫傳

案詩四牡箋諗告也杜氏

本之許君解義更勝釋文引作深謀乃轉寫之誤

張雲璈曰陸氏

所見本異爾雅釋言云諗念也則作謀度義亦得晉語七章注諗告也告得失也與杜同

桓十八年傳本作辛伯諫可證

與其危身以速罪也

解有功益見害故言孰與危身以召罪

服虔曰速召也疾也言太子不去身必危疾召罪狐突知

其亂本旣成而太子拘於一節不達至孝之義與臯落雖

戰勝而歸猶不能免於難而使父有悖惑殺子之罪故傳
內備衆賢之言以迹太子所以死也

太平御覽皇親部十二

成風聞成季之繇解繇卦兆之占辭釋文繇直救反

繇服虔云抽也抽出吉凶也韋昭云由也吉凶所由而出

也

易繫辭下釋文

乃事之

事如孟子事之以皮幣之事後言敬嬴嬖而私事襄仲

文

八義亦與此同

趙氏補注二

齊桓公遷邶于夷儀僖元年解夷儀邶地

今山東東昌府

聊城縣

西南十二里有夷儀城

大事表五

夷儀有

二僖二年邶遷于夷儀是邶地其後衛滅邶而入于衛定

九年齊伐晉夷儀是晉地

春秋分記疆理書十一

孔氏廣材曰衛

滅邴夷儀見襄二十五年又定九年爲晉地詳見襄二十

四年

封衛于楚丘

僖二年解楚丘衛邑

鄭志張逸問楚宮今何地荅曰楚丘在濟河間疑在今東

郡界中然衛本河北至懿公滅乃東徙渡河野處漕邑則

在河南矣升漕虛望楚丘楚丘與漕不甚相遠亦河南明

矣故疑在東郡界中

詩定之方中正義

楚丘詩所謂作于楚宮而

非戎伐凡伯之楚丘也必在今滑縣開州之間滑在河東

故唐人有魏滑分河之錄矣水經注乃曰楚丘在成武西

南卽衛文公所徙誤矣

見濟水二注案在成武者爲南楚丘詳隱七年日知錄三十一

朱子詩傳漕楚丘皆在滑州今其故城在滑縣東六十里

此楚丘之在北者也

春秋地名
攷略七

兩楚丘一在今山東曹州

府曹縣一在今河南衛輝府滑縣截然甚明班固地理志
于山陽郡成武縣下注云有楚丘亭齊桓公所城遷衛文
公于此則以滑縣混同曹縣大謬

大事
表九

邠遷如歸衛國忘亡解忘其滅亡之困

邠遷如歸衛國忘亡言上下安堵不失舊物也

劉知幾史
通內篇換

擬

元年革車三十乘季年乃三百乘

國家殷富在文公末年故左傳曰元年革車三十乘季年
乃三百乘明其駮北三千亦未年之事也

詩定之方
中正義

案

鄭箋云天子十有二閑馬六種三千四百五十六匹邦國六閑馬四種千二百九十六匹衛之先君兼邶鄘而有之而馬數過禮制今文公滅而復興徒而能富雖非禮制國人美之此推周官校人而計之彼注云四匹爲乘則三百乘其數一千二百匹正合禮制如詩所舉竟符王馬之數愚謂傳得其實詩夸其盛爾宋羅願爾雅翼云駮者牝之良利以生駒云耳蓋馬特居四之一駮牝三千則當有牡一千革車不用牝純用牡馬牡馬一千爲車二百五十乘取成數故曰三百乘爾然則牝馬不用耶曰邦國六閑馬四種謂道馬戎馬田馬駮馬也革車用牡馬一之外有牝三千足以供道馬田馬駮馬三種之數故凡馬四千匹分

爲四種此說亦自有見故附錄之

補釋四

補釋五

起僖公元年盡七年

左通一

錢塘梁履繩學

僖元

楚人伐鄭解荆始改號曰楚

正義

此前常呼爲荆此後遂

稱爲楚據其見經爲言故云荆始改號莊二十八年仍書荆伐鄭自爾至今不知何年改

荆至是稱楚者蓋荆乃州之名也商頌奮伐荆楚則楚亦其國之舊名但自武文以來雖駸駸彊盛而未暇正其國之號名故以州稱及熊頹卽位令尹子文得政始定改號曰楚以交於中國

張洽春秋集注四

盟于犂解犂卽檜也檜宋地陳國陳縣西北有檜城

宋檜卽犂在河南陳州府淮寧縣西

春秋輿圖

公敗邾師于偃解偃邾地

偃當在今山東費縣南

沂州府治 日講春秋解義十五

虛丘之戍解虛丘邾地

虛丘當在今費縣界

日講春秋解義十五

公賜季友汶陽之田及費解汶陽田汶水北地

定十年齊人歸鄆謹龜陰田三邑皆汶陽也費世爲季氏

邑在今沂州府費縣西南七十里

大事表七之一

張雲璈曰春

秋成二年取汶陽田八年晉侯使韓穿來言汶陽之田歸

之于齊案水經汶水注云蛇水西南流逕汶陽之田齊所

侵也自汶之北平暢極目僖公以賜季友卽此又西南逕

鑄鄉城西據此當在今山東泰安府泰安縣西南樓上村

東北

二僖春諸侯城楚丘而封衛焉不書所會後也

霞峯華氏曰考詩定之方中作于楚宮爲僖公元年建亥之月於夏爲十月衛人以夏之十月定星之中爲營楚丘之始而魯以十一月往助之城故春秋於二年正月書城楚丘其事其時適與之合其曰楚宮楚室言楚則楚丘可知大事表三十八

晉荀息解荀息荀叔也

荀邑在絳州正平西十五里

通志氏族略三

案竹書紀年周桓

王十三年晉曲沃滅荀以其地賜大夫原氏黯是爲荀叔蓋黯名息字荀以邑爲氏宋爲正平縣今省入絳州伯兄

玉繩漢書古今人表攷曰武公曲沃莊伯子竹書莊伯時
有荀叔軫似軫乃黯之父言荀叔者蓋追號之與荀林父
異族高氏左傳姓名同異攷顧氏大事表並本潛夫論以
林父與荀息同族似未足據通志氏族略三路史後紀十
敘荀氏晉之公族獨不及荀息其證一路史國名紀五敘
武穆之分云荀逝遨采史記趙系家索隱引世本晉大夫
逝敖生桓伯林父則爲兩荀氏可知其證二竊意武公以
荀賜原氏遂改爲荀氏荀息死公子卓之難豈能世守采
地必惠公文公時奪絕更賜逝敖耳

請以屈產之乘與垂棘之璧解屈地生良馬垂棘出美玉故
以爲名

案孟子疏引作屈產生
良馬蓋依注文而誤

通典慈州文城郡理吉昌縣春秋時晉之屈邑獻公子夷

吾所居漢河東北屈縣左傳云晉有屈產之乘此有駿馬

與劉昭注後漢志同余謂今山西吉州是

平陽府治

樂史傳會

爲石樓縣

見寰宇記縣今屬山西汾州府

明一統志本之但石樓乃漢西

河土軍縣非北屈地至垂棘又見成五年杜但注云晉地

閻氏四書釋地

案公羊傳疏引服氏謂產爲產生也杜氏本之

僖十五年傳云大事必乘其產又云今乘異產哀二十三

年傳云有不腆先人之產馬則產斷不可爲地名呂氏春

秋權勳篇高誘注云屈產之乘屈邑所生今河東北屈駿

馬者是也此注的然可據自何休注公羊趙岐注孟子俱

以屈產爲地名後人襲之而寰宇記至云屈產泉名馬飲

此泉者良尤屬傳會故朱子注孟子亦舍趙而從杜

假道於虞以伐虢解自晉適虢途出於虞故借道

虞國山西之平陸縣也

桓十年見

虢西虢國河南之陝州也

隱元

年

名雖二省而界相連莫妙於裴駟引賈逵注曰虞在晉

南虢在虞南

見史記晉世家集解

一言而形勢瞭然

閻氏四書釋地

冀爲不道解冀國名平陽皮氏縣東北有冀亭

左傳冀國今晉州冀氏縣也晉滅冀爲郤氏食邑冀芮之

子孫以邑爲氏

案冀芮見僖十年其子冀缺見三十三年通志氏族略二

今山西絳

州河津縣東有冀亭

大事表五

入自顛軫伐鄭三門解前是冀伐虞至鄭鄭虞邑河東大陽

縣東北有顛軫坂

河水北出虞山東南逕傳巖孔安國傳傳說隱於虞號之間卽此處也傳巖東北十餘里卽巔輪阪也有東西絕澗左右幽空窮深地壑中則築以成道指南北之路謂之爲輪橋也虞城北對長阪二十許里謂之虞阪戴延之曰自上及下七山相重戰國策曰昔騏驥駕鹽車上於虞阪遷延負轅而不能進此蓋其困處也昔禹治洪水山陵當水者鑿之故破山以通河河水分流包山而過山見水中若柱然故曰砥柱也三穿旣決水流疎分指狀表目亦謂之三門矣山在虢城東北大陽城東也

水經河
水四注

博物記曰巔

輪阪今謂之吳阪

見郡
國志

亦謂之虞阪今在平陸縣

山西
解州東

北五十里縣東北二十五里有故鄆城今河流至縣東五

十里有砥柱山山有三門南爲鬼門中爲神門北爲人門

春秋地名
攷略十二

案三門山在虢城東北傳稱鄭三門乃鄭邑

之三門其爲虞地無疑續漢書郡國志沛國有鄭聚注曰
左傳曰冀爲不道伐鄭三門服虔曰鄭晉別都杜預曰是
虞邑地處闕則非此鄭矣愚攷沛國於春秋爲宋衛陳楚
界鄆縣之鄭聚特名相同非晉邑亦非虞邑也據酈注三
門在大陽城東則鄭卽在大陽可知

大陽今
平陸縣

許氏說文鄭

字下云晉邑與服同杜不從之正義駁服說良是

滅下陽解虢邑在河東大陽縣

今大陽廢縣在山西平陸縣東北又三十里爲故下陽城

解義十五

日講春秋

盟于貫服江黃也解貫宋地梁國蒙縣西北有貫城貫與貫

字相似

案今本作貫與貫據呂氏集解及舊注本改

江國在汝南安陽縣

貫今歸德府

河北五十里春秋義九

江氏嬴姓之國

顓帝玄

孫伯益之後也

通志氏族略二

今故安陽城及江城皆在汝寧府

南正陽縣東

春秋地名破略十三

齊寺人貂始漏師于多魚解多魚地名闕

時爲貫澤之盟蓋在宋境或曰在今歸德府虞城界

春秋地名

破略十

虢公敗戎于桑田解桑田虢地在弘農陝縣東北

今河南陝州靈寶縣西二十五里稠桑驛卽其地

大事表七之三

傳

三會于陽穀解陽穀齊地在東平須昌縣北

在山東兗州府陽穀縣北五十里

春秋輿圖

孔叔解鄭大夫

鄭大夫孔氏此年有孔叔僖七年有孔氏二十四年有孔將鉏別有鄭穆公子子孔之後以字爲氏

萬氏氏族略

齊侯與蔡姬乘舟于囿解蔡姬齊侯夫人

繆侯以其女弟爲齊桓公夫人

史記管蔡世家

舟者古名也今名

船易曰利涉大川乘木舟虛注云舟謂集板如今目空大木爲之曰虛

案王應麟鄭氏周易注集本作木大爲之

卽古又名曰虛總名皆

曰舟

詩谷風正義

四信君處北海寡人處南海解楚界猶未至南海因齊處北海

遂稱所近正義襄十三年傳稱楚子囊述其王之德撫有蠻

夷奄征南海唯言征南海耳其竟未必至南海也

禹貢海岱惟青州故蘇秦說齊宣王齊南有太山北有渤海司馬遷言吾適齊自泰山屬之琅邪北被于海降至漢景帝猶置北海郡于營陵營陵舊營丘地左傳云君處北海是也

四書釋地

楚在春秋地雖廣不瀕於海楚子曰寡人處

南海解者曰對上北海之文以所近者言也南海今廣州府治爲當日百越地雖未屬楚要爲楚兵力之所及鄭伯謂莊王其俘諸江南以實海濱亦見楚號令及於南海逮後始皇二十五年王翦悉定荆江南地因南征百越之君猶前志也夫

潛丘劄記三

寡人處南海蓋夸大之辭其襄十三

年曰奄征南海征與處不同蓋楚至悼王時吳起爲楚南

收揚越楚地始踰嶺而瀕南海其王則征之而已此卻非

夸大之辭

禹貢維指六

案楚語上韋注云南海羣蠻也文十

六年傳庸人帥羣蠻以叛楚則其前之服屬可知閻百詩

之說與韋正合

唯是風馬牛不相及也解牛馬風逸蓋末界之微事故以取

喻正義服虔云風放也牝牡相誘謂之風

案書費誓正義引作賈逵

注意未明後以此事問元城先生曰此乃醜詆之辭齊楚

相去南北如此遠離馬牛之病風者猶不相及今汝人也

而輒入吾地何也

馬永卿蝦真子五

昔召康公解周大保召公奭也

封黃帝之後於蓊音計今涿郡蓊縣是也卽燕國之都也

孔安國司馬遷及鄭皆云燕國郡邵公與周同姓案黃帝

姓姬君奭蓋其後也或黃帝之後封薊者滅絕而更封燕

郡乎疑不能明也案吳鼎易堂問目三云逸齋詩補傳曰薊後改爲燕猶唐之爲晉荆之爲楚也

其後嗣以薊之境內有燕山因改名爲燕而皇甫謐以邵

公爲文王之庶子記傳更無所出案史記燕召公世家集解譙周曰周之支族食

邑於召謂又左傳富辰之言亦無燕也禮記樂記釋文說文曰奭

召公名讀若郝史篇名醜案奭與奭相似說文云𠂔古文

以爲醜字案今繫傳醜作醜誤皆从𠂔故史篇以爲召公

名醜案焦竑筆乘曰史篇名醜奭豈其字耶抑奭醜字相混耶惠棟尚書古義下

命我先君大公

太公望呂尚者東海上人其先祖嘗爲四嶽佐禹平水土

甚有功虞夏之際封於呂或封於申姓姜氏夏商之時申呂或封枝庶子孫或爲庶人尚其後苗裔也本姓姜氏從其封姓故曰呂尚

說本周語下史記齊世家

史記云西伯出獵得之

曰吾太公望子久矣故號之曰太公望載與俱歸立爲太師劉向別錄曰師之尚之父之故曰師尚父父亦男子之美號太誓注云師尚父文王於磻谿所得聖人呂尚立以爲太師號曰尚父尊之故雒師謀云號曰師尚父是也如世家之文則尚本是名號之曰望而雒師謀云呂尚釣尾注云尚名也又曰望公七年尚立變名注云變名爲望蓋因所呼之號遂以爲名以其道可尊尚又取本名爲號也孫子兵法曰周之興也呂牙在殷則牙又是其名字也

詩大

明正義

案始封之君子孫尊爲太公齊世家文王稱吾先

君太公田敬仲世家亦稱田和爲太公是也望乃其名孟子云若太公望可證變名之說出自悲緯宋書符瑞志亦取之深不足信佐命聖人決不隨聲迎合也索隱引譙周

曰姓姜名牙炎帝之裔伯夷之後掌四岳有功封之於呂

莊二十二年傳姜大嶽之後也說文呂部子孫從其封姓

下云昔太嶽爲禹心呂之臣故封呂侯案牙是字尚是其名後武王號爲師尚父則尚父官名

單本無此句履繩謂牙非名當依小司馬以爲其字尚亦非名

以爲官名近之詩大明毛傳云尚父可尚可父其不得爲

名明甚故後世唐於郭子儀梁於錢鏐皆加尚父之號孔

仲達謂取本名爲號非也而路史炎帝紀下云呂渭字子

可太平御覽鱗介部七引符子曰太公涓釣於隱溪余疑
文王得太公於渭陽後人因以名渭傳會之涓又渭字之
變均不足據呂氏春秋首時篇云太公望東夷之士高誘
注太公望河內人也於周豐鎬爲東故曰東夷之士水經
清水注曰太公廟碑云太公望者河內汲人也又云太公
本生於汲今河南衛輝府汲縣其爲河內人無疑孟子謂太公避紂
居東海之濱非卽海上人也史記爲誤

五侯九伯女實征之解五等諸侯九州之伯皆得征討其罪

服虔云五侯公侯伯子男九伯九州之長案周禮大宗伯疏引賈服云五

等諸侯九州之伯太公爲王官之伯掌司馬職案詩大明正義曰大誓司馬在前王

肅曰司馬以九伐之法征討邦國故得征之詩施上正義左傳

太公也

管仲說太公爲王官之伯云五侯九伯女實征之是王官

之伯分主東西得征其所職之方

詩長發正義

賜我先君履東至于海西至于河正義齊之西竟當在九河之最西徒駭蓋是齊之西界其東至于海當盡樂安北海之東界也

今濟南東北境皆濱海青州之博興壽光濱渤海沂州之日照濱大海登萊二府三面距海當其北者爲渤海當其東南者大海也桓公時未能有登萊之地故曰東至于紀鄒見齊語後滅萊襄六則東盡于海矣大事表八上西至於河是河在齊西北流也

詩碩人正義餘詳駁證

南至于穆陵北至于無棣解穆陵無棣皆齊竟也履所踐履

之界齊桓又因以自言其盛

元和志穆陵關西至白沙關八十里在麻城縣西北一百里案穆陵關在穆陵山上或曰齊之四履南至穆陵卽此

也

案于慎行穀山筆塵云湖廣麻城有穆陵山其下有關今麻城屬湖北黃州府禹貢雖指七

名今爲海豐

屬山東武定府

慶雲

屬直隸天津府

兩縣

四書釋地又續

杜氏通典

鹽山春秋之無棣邑今慶雲海豐皆與鹽山接壤皆有無棣溝唐永徽初開鬲津河因疏無棣溝以通濱海魚鹽之

利亦曰無棣河今淤

春秋地名攷略三

案通典本水經注其淇

水注云無棣溝又東北逕鹽山東北入海京相璠曰舊說

無棣在遼西孤竹縣

案隱用此說今直隸永平府

二說參差未知所定

然管仲以責楚無棣在此方之爲近旣世傳以久且以聞

見書之履繩嘗疑春秋置邑安得如此之大今據水經注
無棣溝所逕郡縣非一豈可盡指爲春秋之無棣蓋後世
取無棣以名水宜酈氏之傳疑也餘詳駁證

爾貢包茅不入王祭不共無以縮酒寡人是徵解包裹束也
茅菁茅也束茅而灌之以酒爲縮酒尚書包匭菁茅茅之爲
異未審正義孔安國以菁與茅別杜云茅菁茅則以菁茅爲

一云云

辰州盧溪縣南有苞茅山武陵記云山際出茅有刺三春

杜預春秋釋例盟會圖疏

鄭玄以爲菁茅茅之有毛刺者王氏曰包匭

菁茅者包且匭也正以供祭祀故嚴之也朱子曰古人榨
酒不以絲帛而以編茅王室祭祀之酒則以菁茅取其至

潔也渭案水經注云晉書地道志曰泉陵縣有香茅氣甚

芬香言貢之以縮酒

見湘水下

案晉書地理志零陵郡

平御覽百卉部三引盛弘之荊州記曰零陵郡有香茅桓

公所以貢楚謂卽湖南永州府零陵縣所產零陵香非也

蓋此茅潔且芳異於他處所產宜縮祭祀之酒故特令包

匭而貢之孔傳以菁茅爲二物曰菁以爲菹茅以縮酒正

義曰周禮醢人有菁菹鹿藿故知菁以爲菹鄭云菁菁菁

也菁菁處處有之而令此州貢者蓋以其味善也渭案呂

氏春秋云具區之菁

本味篇

則菁以揚產爲美未聞荊州味

善也且菁爲七菹之一何獨與縮酒之茅同其貴重鄭以

菁茅爲一物符合左傳確不可易

禹貢鑑指七

案盧溪今爲

瀘溪屬湖南辰州府蓋楚省多產香茅在處有之漢書王

莽傳陳菁茅四色之士師古曰莽此言以菁茅爲一物則是謂善茅爲菁茅也亦是一證

昭王南征而不復寡人是問解昭王成王之孫南巡守涉漢船壞而溺周人諱而不赴諸侯不知其故故問之正義舊說皆言漢濱之人以膠膠船故得水而壞昭王溺焉不知本出何書

昭王之時王道微缺昭王南巡狩不返卒於江上其卒不赴告諱之也史記周本紀帝王世紀云昭王德衰南征濟于漢

船人惡之以膠船進王王御船至中流膠液船解王及祭公俱沒于水中而崩其右辛游靡長臂且多力游振得王

周人諱之

又正義

昭王十六年伐楚涉漢遇大兕十九年春

有星孛于紫微祭公辛伯從王伐楚天大暄雉兔皆震喪

六師于漢王陟

竹書紀年

案水經沔水注云昔周昭王南征

船人膠舟以進之昭王渡沔中流而沒檢諸書皆言涉漢
又注引如淳曰此方人謂漢水爲沔水故孔安國曰漾水
東流爲沔蓋與沔合也至漢中爲漢水是互相通稱然據
沔水所經佐喪大斂口死沔諸地並以昭王得名其爲溺
沔無疑杜氏云溺漢特依舊說爾

次于陘解楚地潁川召陵縣南有陘亭

文十六年傳先君蚡冒所以服陘隰也陘必爲楚之要地
故齊侯以諸侯之師進而據之焉

林堯叟春秋左傳句解

陘山在今

河南許州府

今改州治

鄆城縣南又新鄭亦有陘山在縣南三

十里蓋陜塞縣互甚遠國策蘇秦說楚曰北有汾陜說韓曰南有陜山蓋二國皆恃此爲險在楚爲北塞在韓則爲南塞也徐廣曰陜山絕之名

大事表八下

楚子使屈完如師

屈完楚族也

史記楚世家正義

案高氏姓名攷云莫敖屈重

見莊

四年瑕子

屈瑕見桓十一年

屈完重子檢世族譜已闕不知何據大事表云其系未詳也

事表云其系未詳也

次于召陵解召陵潁川縣也

東南逕召陵縣故城南闕駟曰召者高也其地丘墟井深

數丈故以名焉

水經潁水注

召陵故城在今開封鄆城縣東四

十五里

案鄆城今改屬許州閻氏四書釋地又續

楚國方城以爲城解方城山在南陽葉縣南

服虔曰方城山在漢南韋昭曰方城楚北之阨塞

齊語史記齊

世家集解

案地理志葉縣南有長城號曰方城則杜預韋昭說

爲得而服氏云在漢南未知有何憑據

齊系家索隱

方城山在

今河南南陽府裕州東北四十里葉縣正在州北楚人因

山爲固築連城東向以拒中國所謂方城以爲城也今自

葉縣之方城山至唐縣連接數百里一曰長城山卽古方

城舊蹟

大事表八下

方城有二僖四年方城爲城楚方城山也

自比陽縣至方城縣文十六年侵庸及方城庸地也今房

州竹山縣

春秋分記疆理書十一

案昭十八年傳葉在楚國方城

外之蔽也杜氏本此爲解郡國志葉有長山曰方城據地

理志稱長城蓋連跨甚廣故史記楚世家正義又云方城在葉縣西十八里也姚鼐左傳補注曰楚所指方城據地甚遠其山居淮之南江漢之北西踰桐柏東越光黃止是一山其間通南北道之大者惟有義陽三關故定四年傳謂之城口淮南子曰縣之以方城案見兵略訓荀子議兵篇縣作緣凡申息陳蔡東及城父傳皆謂之方城之外然則方城連嶺可七八百里矣非第南陽葉縣南也

陳轅濤塗

轅濤塗轅宣仲申公九世孫

杜氏世族譜

袁氏出自嬀姓陳胡

公滿生申公犀侯犀侯生靖伯庚庚生季子惛惛生仲牛甫甫生聖伯順順生伯他他父生戴伯戴伯生鄭叔鄭

叔生仲爾金父金父生莊伯莊伯生諸字伯爰孫宣仲濤

塗賜邑陽夏以王父字爲氏宣仲生選

見文選

選生聲子突

突生惠子雅雅生頗

見哀十一年

奔鄭

唐書宰相世系表四下

案氏族

略三云胡公生申公申公生靖伯十八世孫莊伯生諸字

伯爰又與唐表不合所未詳也終當以諸爲正轅與袁爰

並通具見攷異

師出於陳鄭之間國必甚病若出於東方觀兵於東夷循海而歸其可也解當有其給之費故東夷鄰莒徐夷也觀兵示

威

其意以齊侯所經之處多有徵發陳鄭二國當其軍道去

既過之來又過之則民將困病故欲詐之使出於東方

江詩

漢正義 從召陵東歸不經陳而趨近海道多廣澤水草軍所

便也

公羊傳注

筮短龜長不如從長

解

物生而後有象象而後有滋滋而後

有數龜象筮數故象長數短

正義

龜以本象金木水火土之

兆以示人故爲長筮以末數七八九六之策以示人故爲短

云云卜人欲令公舍筮從卜故云筮短龜長非是龜能實長

龜長者以其龜知一二三四五天地之生數知本易知七

八九六之成數知末如易歷三聖而成窮理盡性云短者

以其易雖窮理盡性仍六經並列龜之繇辭譬若識緯圖

書不見不可測量故爲長短

周禮春官占人疏

象所以長者以物

初生則有象去初既近且包羅萬形故爲長數短者數是

終末去初既遠推尋事數始能求象故以爲短也

禮記曲禮上正義

義

案孔氏曲禮正義亦云著龜智靈相似太史史蘇欲

止公之意託云筮短龜長

史秦本國語

故楊慎丹鉛錄遂謂孔

氏知杜之謬而不敢規之蓋卽立驪姬一事其理有長短

不在筮龜江元禧耳目日書陸稼書讀禮志疑皆以爲實

無長短以愚論之龜千歲而靈著百年而神

劉向語見曲禮正義

故

其前知有遠近卽據水經贛水注云故冢刻塼題云西去

江七里半筮言其吉卜言其凶今垂沒於水又漸江水注

載二事亦類此新唐書鄭欽說傳內一事相同皆筮短龜

長之證故鄭康成注周禮及月令並依此傳爲說因悟古

人先筮後卜取決於龜繇居多

詳閔二年

郭景純所以獨稱爲

智骨耳長短云者特以驗有遠近非體有優劣孔氏所爲
兩存其說也

一薰一蕕解薰香草蕕臭草

零陵香本名蕕古之蘭蕕是也又名薰左傳曰一薰一蕕
卽此草也唐人謂之鈴鈴香亦謂之鈴子香謂花倒懸枝
間如小鈴也至今京師人買零陵香須擇有零子者鈴子
乃其花也此本鄙語文士以湖南零陵郡遂附會名之後
人又收入本草殊不知本草正經自有薰草條又名蕕草
注釋甚明南方處處有之本草附會其名言出零陵郡亦
非也沈括夢溪補筆談三蕕者廋也朽木臭也此草莖頗似蕕而臭
孫升談圃以爲香薷者誤李時珍本草綱目隱草類下注

十年尚猶有臭

相觀民之計極相觀重言之也下文亦曰覽相觀於四極

與左傳尚猶有臭書弗遑暇食語同

楚辭離騷洪興祖補注

天子祭于曲沃

服虔曰齊姜廟所在

史記晉世家集解

公祭之地地墳與犬犬斃與小臣小臣亦斃

將飲先祭示有先也墳起也斃死也小臣官名掌陰事陰

命閹士也

國語晉語二注

天子奔新城解新城曲沃

新城曲沃也新爲太子城之

晉語二注

鄭宋秦俱有新城僖六

年諸侯伐鄭圍新城文十四年同盟于新城

宋地

文四年晉

侯伐秦圍邠新城

大事表
六下

傳

五春王正月辛亥朔日南至解周正月今十一月冬至之日

日南極正義冬至者十一月之中氣云云

僖公五年丙寅正月辛亥大

杜預春秋釋
例經傳長歷

推僖公五年正

月辛亥朔旦冬至法臣淳風等謹案術意其問宜云一年

二十四氣氣有大餘十五三十二分之七從周歷上元至

僖公五年元餘有九百六十九算度餘五日四分度之一

欲求此年朔旦冬至及算此氣之法其術如何曰辛亥朔

術曰置前推月朔積年九百六十九算以餘數二十一乘

之得二萬三百四十九爲實以度分母四除之得五千八

十七爲積日不盡一爲小餘以六十除積日得八十四棄

之取不盡四十七爲大餘命以甲子算外辛亥冬至與正月朔同故曰朔旦冬至謹案術朞三百六十五日四分日之一今以六十除之餘五日四分日之一通之得二十一故名餘數卽與四爲度法也

甄鸞五經算術下

大衍術中氣議曰

歷氣始于冬至稽其實蓋取諸晷景

案漢書律歷志云傳不曰冬至而曰日南

至極于牽牛之初日中之時景最長以此知其南至也

春秋傳僖公五年正月辛亥

朔日南至以周歷推之入壬子葭第四章以辛亥一分合朔冬至殷歷則壬子葭首也昭公二十年二月己丑朔日南至魯史失閏至不在正左氏記之以懲司歷之罪周歷得己丑二分殷歷得庚寅一分殷歷南至常在十月晦則中氣後天也周歷蝕朔差經或二日則合朔先天也傳所

據者周歷也緯所據者殷歷也氣合于傳朔合于緯斯得之矣又命歷序以爲孔子脩春秋用殷歷使其數可傳于後考其蝕朔不與殷歷合及開元十二年朔差五日矣氣差八日矣上不合于經下不足以傳于後代蓋哀平間治甲寅元歷者託之

案下文云考靈曜命歷序皆有甲寅元

非古也

唐書歷志三上

後

世考驗冬至之日堯時躔虛至于三代則躔于女春秋時在牛至後漢永元已在斗矣大略六十餘年輒差一度

宋史

天文志一

南昌王孫朱鬱儀謀埴晚年成古今通歷用其法推

左傳僖五年正月辛亥朔冬至至昭二十年二月己丑朔冬至以爲魯史所用皆周正故經書王正月明非夏殷之正也于時諸侯僭竊周室衰微鮮行頒朔之禮晉楚大國

或用夏正魯秉周禮獨不敢變故孟獻子稱正月日至可

祀上帝是已

王士禎皇華紀聞二

遂登觀臺以望

解

觀臺臺上構屋可以遠觀者也正義禮天

子曰靈臺諸侯曰觀臺

靈臺所處在國之西郊諸儒以無正文故其說多異異義

公羊說天子三諸侯二天子有靈臺以觀天文有時臺以

觀四時施化有囿臺以觀鳥獸魚鼈諸侯但有時臺囿臺

諸侯卑不得觀天文無靈臺

案周禮春官肆師疏初學記居處部太平御覽居處部五

並引異義同

皆在國之東南二十五里東南少陽用事萬物著

見用二十五里者吉行五十里朝行暮反也韓詩說辟靡

者天子之學園如璧墜之以水示園言辟取璧有德不言

辟水言辟靡者取其靡和也所以教天下春射秋饗尊事
三老五更在南方七里之內立明堂於中五經之文所藏
處蓋以茅草取其潔清也左氏說天子靈臺在太廟之中
壅之靈沼謂之辟靡諸侯有觀臺亦在廟中皆以望嘉祥
也謹案公羊傳左氏說皆無明文說各有以無以正之玄
之聞也禮記王制小學在公宮之左大學在郊天子曰辟
靡諸侯曰泮宮天子將出征受命於祖受成於學出征執
有罪反釋奠于學以訊馘告然則太學卽辟靡也詩頌泮
水云旣作泮宮淮夷攸服矯矯虎臣在泮獻馘淑問如臯
陶在泮獻囚此復與辟靡同義之證也大雅靈臺一篇之
詩有靈臺有靈囿有靈沼有辟靡其如是也則辟靡及三

靈皆同處在郊矣。圉也。沼也。同言靈於臺下爲圉爲沼。可知小學在公宮之左。太學在西郊。王者相變之宜。衆家之說各不昭哲。雖然於郊差近之耳。在廟則遠矣。王制與詩其言察察亦足以明之矣。如鄭此說靈臺與辟廱同處。詩臺正義案初學記引劉向洪範五行傳天子曰靈臺諸侯

曰時臺。所以觀天文之變。足知觀臺卽時臺也。故服注以爲天子曰靈臺。諸侯曰觀臺。是已。見詩靈臺正義通典禮四據淮南道

應訓云。文王築靈臺。

新序雜事篇五同

則靈臺始自文王。後得天

下遂爲天子之制。如造舟之禮。蓋天子之臺皆得名爲靈臺。鄭箋云。觀臺而曰靈者。文王化行似神之精明。賈公彥周禮疏引尚書傳說武王升舟入水。觀臺亞者。觀臺可以

望氛祥觀臺卽靈臺對文有異散文則通然諸侯二臺可稱觀臺不得稱靈臺哀廿五年衛侯爲靈臺者僭也今一統志云泮宮臺在曲阜縣東南亦謂之書雲臺左傳登觀臺而書雲物卽此鄭氏謂臺與泮宮同處無疑矣餘具見文二年明堂駁證

凡分至啟閉必書雲物爲備故也解分春秋分也至冬夏至也啟立春立夏閉立秋立冬雲物氣色災變也素察妖祥逆爲之備

服虔曰分謂春秋分至謂冬夏至啟立春夏也陽氣用事爲啟閉立秋冬也陰氣用事爲閉雲五雲也物風氣日月星辰也分至啟閉天地之大節陰陽之分也故遂登觀臺

望氣以審妖祥變亂之氣先見於八節書其雲物之形言

其所致務爲之備也

太平御覽
天部八

憂必讎焉解讎猶對也

讎如詩無言不讎之讎史記封禪書注索隱曰鄭德云相

應爲讎

顧氏補
正上

公使寺人披伐蒲

伯楚寺人披之字於文公時爲勃鞞

國語晉
語二注

詳僖廿五

年羣籍攷異

君父之命不校

校猶亢也

戰國策秦
策四高注

披斬其袪解袪袂也

袂卽今衣之袖口俚言袂繳

說文袂字繫傳

公孫茲如牟桓十五年解牟國今泰山牟縣

應劭曰魯附庸也

水經汶水注

風俗通云牟子國祝融之後

通志

氏族略二

牟國在山東泰安府萊蕪縣東二十里

春秋輿圖

滅弦解弦國在弋陽軟縣東南

弦少昊後嬴姓國

路史國名紀二

今湖廣

湖北

黃州府蘄水縣西北

四十里有軟縣故城爲弦國地又河南光州西南有弦城

蓋因光山縣西有僑置軟縣故城而誤或曰弦子奔黃時

所居也宛溪氏曰昭三十一年吳圍弦蓋楚復其國也

大事

表五

道柏解道國在汝南安陽縣南柏國名汝南西平縣有柏亭

案高氏春秋地名攷略云安陽當作陽安蓋傳寫之誤漢志陽安屬汝南郡應劭曰陽安有道亭故道國

道氏姬姓之國柏氏子爵風俗通柏皇氏之裔

通志氏道族略二道

今河南汝寧府確山縣北二十里有道城昭十一年楚靈

王遷之於荆十三年平王卽位而復之知此時尚存杜注

謂楚已滅之爲邑未詳何據

大事表五

柏今西平縣屬河南汝

寧府柏亭在縣西

日講春秋解義十六

九月戊申朔日有食之

丙寅歲

僖公五年丙寅九月戊申小

杜氏經傳長歷

大衍日食黃道翼七

度

春秋分記歷書二

案元史缺此一年

諺所謂輔車相依唇亡齒寒者其虞虢之謂也

解輔頰輔車

可車

服虔云輔上頷車也與牙相依則是牙外之皮膚頰下之

別名也故易云咸其輔頰舌明輔近頰也而非頰也

詩碩人正

義

輔虞云耳目之間

易咸卦釋文

二句一意乃是諺語呂氏春

秋宮之奇諫曰虞之與虢也若車之有輔也車依輔輔亦

依車虞虢之勢是也

案韓非子十過篇同

先人有言曰唇竭而齒寒

注車牙也輔頰也與杜氏同

顧氏補正上

案戰國齊策蘇子

謂齊王曰唇亡則齒寒趙策張孟談亦引此語

又見墨子非攻篇中

惟莊子胠篋篇作唇竭則齒寒與呂氏春秋權勳篇同

又見

淮南說林訓

高誘曰竭亡也

戰國韓策尚靳謂秦王曰臣聞之唇竭者其齒寒鮑彪注揭猶反與

此義亦近

大伯虞仲大王之昭也解穆生昭昭生穆

范甯曰泰善大之稱也伯長也泰伯周太王之元子故號

泰伯

案史記吳系家索隱引范甯論語解泰並作太皇侃論語集解義疏四

號仲號叔王季之穆也

左傳曰大伯虞仲大王之昭言大王爲穆而子爲昭又曰
號仲號叔王季之穆亦王季爲昭而子爲穆與文王同穆
也又管蔡邲霍等十六國亦曰文之昭則以文王爲穆其
子與武王爲昭又曰邠晉應韓武之穆以繼武王爲昭也
書酒誥正義父以明察下故曰昭子以敬事上故曰穆宗廟有
迭毀昭穆則一成而不可易春秋傳言大王之昭王季之
穆又言文之昭武之穆此世序之昭穆不可易也周官冢
人掌公墓之地先王之葬居中以昭穆爲左右此葬位之

昭穆不可易也儀禮曰卒哭明日以其班祔

上虞禮記

祔必以其昭穆亡則中一以上

喪服小記

此祔位之昭穆不可

易也司士凡祭祀賜爵呼昭穆而進之祭統凡賜爵昭爲一穆爲一昭與昭齒穆與穆齒此賜爵之昭穆不可易也大傳曰合族以食序以昭穆此合食之昭穆不可易也生而賜爵合食死而葬祔皆以世序而不可易則廟之昭穆可知矣其制蓋祖廟居中而父昭在左子穆在右始死者昭邪則毀昭廟始死者穆邪則毀穆廟

案周禮小宗伯辨廟祫之昭穆則祫

廟亦從昭穆也

昭與昭爲列而無嫌乎子加於父穆與穆爲列而

無嫌乎父屈於子猶之賜爵也子與祖齒而無嫌乎卑者先父與孫齒而無嫌乎尊者後猶之立尸也子無嫌乎南

面而坐父無嫌乎北面而事之

見祭統

則昭穆之不互易不

足怪也

禮書六十九

莆陽鄭氏曰禮記天子七廟三昭三穆與

太祖之廟而七諸侯二昭二穆與太祖之廟而五大夫一

昭一穆與太祖之廟而三謂之祖則一而大以昭穆媿焉

則二而小一而大者無對故其位居中而不以昭穆居之

且世世不毀二而小者有對故斷自始祖之後父曰昭子

曰穆至親盡則迭遷后稷爲周祖其子不窋曰昭其孫鞠

陶曰穆

案見書酒誥釋文

周公爲魯祖其子伯禽曰昭其孫考公

曰穆萬物本乎天本乎祖祖者天也昭居左爲陽穆居

右爲陰以三昭三穆言之則一爲昭二爲穆三爲昭四爲

穆五爲昭六爲穆一三五者陽奇之數也二四六者陰偶

之數也自一世推而至百世皆然昭者有昭班與陽奇同

類穆者有穆班與陰偶同類故葬與祔祫必以孫從王父

案公羊文二年傳大禘者何合祭也何休云太祖周公之廟太祖東鄉昭南鄉穆北鄉其餘孫從王父蓋神

得同班同類則爲安也昭之王父以昭孫爲尸穆之王父

以穆孫爲尸蓋神得同類則馮依之也

案曲禮孫可以爲王父尸子不可以

爲父尸鄭注孫與祖昭穆同

今之說者曰父昭子穆何常之有對父則

爲穆對子則爲昭故有在廟位爲昭而於祔位祫位爲穆

在廟位爲穆而於祔位祫位爲昭失禮意矣王季之時以

太王爲穆至惠王時歷十八君而謂之穆文王之時以王

季爲昭至惠王時歷十八君而謂之昭宮之奇曰太伯虞

仲太王之昭號仲虢叔王季之穆武王時廟次以文王爲

穆

案酒誥云穆考文王

康王時廟次以武王爲昭

案周頌載見至襄云率見昭考

至襄

王之世亦謂其子曰文之昭武之穆富辰旣言之矣

倍二十四

曹侯孺又曰曹叔振鐸文之昭也先君唐叔武之穆也

倍二

十襄王距文王之時無慮十有八世景王之子恭王距襄

王又七世而遠魯定公四年衛祝鮀猶曰曹文之昭晉武

之穆繇此論之昭常爲昭穆常爲穆雖百世無易也

衛禮記

集說

三十

虞不臘矣

解臘歲終祭衆神之名正義明當時有臘祭周時

臘與大蜡各爲一祭秦漢改曰臘不蜡而爲臘耳

虞不臘矣注臘祭名也日月會于龍尾百物備合國于是

祭羣神也

太平御覽時序部十八

古者蜡則飲于學黨正屬民飲酒

于序是也

周禮地官

既蜡則臘先祖五祀于廟仲尼與於蜡賓

事畢出遊於觀之上是也然則臘亦謂之蜡矣月令言祈

來年于天宗割祠于公社又言臘先祖五祀則祈臘之名

不同於是謂皮弁素服而祭與祈來年于天宗蜡也黃衣

黃冠而祭與臘先祖五祀臘也蜡以息老物臘以息民息

民固在蜡後矣此記所以言既蜡而收民息已也周蜡於

十有二月秦臘於孟冬皆建亥之月也晉侯以十二月滅

虢遂襲虞宮之奇曰虞不臘矣則臘在蜡月可知矣古者

臘有常月而無常日祖在始行而無常時繇漢以來溺於

五行之說以王曰祖以衰曰臘其失先王之禮遠矣

案魏高堂

隆有盛祖終臘之說見通典禮四

禮書九十三

漢蔡邕月令章句夏曰嘉平商

曰清祀周曰大蜡總謂之臘史記秦惠文王初臘正義云

始效中國爲之亦明臘不自秦始或疑傳作於秦誤矣朱子

曰秦時始有臘祭而左氏謂虞不臘矣是秦時文字分明趙氏補注三案通典注有臘始

漢氏之說杜氏卽據此傳非之朱子之論蓋亦有本然據

晏子春秋二云景公令兵塲治當臘冰月之間而寒則春

秋時有臘矣或無祭耳至臘祭之日經無明文通典引漢

臘之禮云季冬之月星迴歲終陰陽以交勞農大享臘言

祭宗廟旁祭五祀蓋同一日孔仲達郊特牲正義云月令

臘在祈天宗之下但不知臘與蜡祭相去幾日唯隋禮及

今禮皆蜡之後日要之均非舊典陳用之謂臘無常日洵

通論也吳鼎易堂問目云蜡祭四方百物臘祭先祖五祀

各爲一祭蜡國祭臘家祭年不順成廢蜡不廢臘此蜡與臘之別別見駁證

晉侯圍上陽解上陽虢國都在弘農陝縣東南

上陽在今河南陝州東南周文王弟虢叔始封在陝西鳳翔府寶雞縣東六十里東遷後爲秦之雍地漢置虢縣志云雍爲西虢是也隱元年杜注弘農陝縣東南有虢城則從平王東徙後所封矣大事表唐有上陽宮卽此地楊氏春秋

左傳地名攷

童謠云

行歌曰謠國語晉語六注

均服振振解戎事上下同服

服虔曰衿服黑服也

文選注十六

古戎服尚黑戰國策左師觸

龍曰願令補黑衣之數以衛王宮注云黑衣戎服漢書作

衿儀禮士冠禮云兄弟畢衿玄鄭注曰衿同也古文衿爲

均司馬彪輿服志云郊祀之服皆以衿玄淮南子曰尸祝

衿衽

齊俗訓

高誘云衿純服衽黑齋衣也衿衽猶衿玄

衿字篆書

與衿相似

上下皆玄故謂之黑服衿古文皆作均管子大匡篇

云四年脩兵同甲十萬同甲者均服之謂也

惠氏補注一

案

衿均也言戎服均尚黑故卽以衿服爲黑服呂氏春秋悔

過篇注云兵服上下無別故曰衿服文選潘岳閒居賦云

服振振以齊玄是也周禮春官司几筵疏云均服振振賈

服杜君等皆爲均均同也李善文選注引服氏作衿者改

从衣爾蓋衣同色者皆爲衾服漢書王莽傳所謂紺衾服也冠祭齋皆用衾服廣韻專以衾爲戎衣於義儉矣餘詳攷異

其九月十月之交乎解謂夏之九月十月也

傳見三正通於民俗

趙氏補注三

紀年爲魏之史記魏出于晉

當時列國惟晉擅用夏正以左氏驗之僖五年卜偃曰其九月十月之交乎襄三十年絳縣人曰臣生之歲正月甲子朔皆謂夏正杜氏亦經注出但未補明一句曰于時晉獨用夏正所以然者何也成集解在前見竹書在後故也

詳杜氏後序
書古文疏證四 尚

丙子旦日在尾月在策鶉火中必是時也正義以三統歷推

之此夜是月小餘盡夜半合朔在尾十四度從乙夜半至平旦日行四分度之一月行三度有餘故丙子旦日在尾星月在天策鶉火之次正中也

策入尾十二度新歷是歲十月丙子定朔日月合尾十四度於黃道古歷日在尾而月在策故曰龍尾伏辰於古距張中而曙直鶉火之末始將西降故曰責責

唐書歷志三上

執虞公及其大夫井伯

姓姜子牙之後也左傳有井伯

廣韻井字注

周有井伯廣韻云

子牙後

穆天子臣井利

或云虞公族非

路史國名紀一

秦本紀繆公聞百

里侯賢欲重贖之恐楚人不與乃使人謂楚曰吾媵臣百里侯在焉請以五羖羊皮贖之其云吾媵臣亦繫託辭以

誑楚左氏媵秦穆姬者乃虞大夫井伯非百里傒也朱子

已辨其非一人

案困學紀聞史記正義引之

漢表已次之於各等矣

案

表百里奚在上

下井伯在中下以孟子合左傳奚之去虞當於僖二年宮

之奇諫不聽之日不待僖五年宮之奇復諫以其族行之

日故曰先去安得有如史記僖爲晉虜以媵於秦之妄說

益證朱子井伯乃另一人非奚也爲不易

四書釋地又續

史于晉

世家連書井伯百里奚而于此紀直以百里奚替井伯然

誤從韓子說難呂子慎人篇來

伯兄玉繩史記志疑四

案唐書宰

相世系表五下云虞之公族井伯奚

史記晉世家正義南雍州記云百里奚字

井媵伯姬于秦受邑于百里因號百里奚據氏族略明氏

下以百里奚爲虞之公族不言井伯也

略

三其百里氏下不

及井伯三略井氏下不及百里五略足知鄭漁仲亦以爲兩人

世系表誤合之特依當時譜牒爾

以媵秦穆姬解送女曰媵

釋言云媵送也妾送嫡而行故謂妾爲媵媵之名不專施

妾凡送女適人者男女皆謂之媵左傳晉人滅虞執其大

夫井伯以媵秦穆姬史傳稱伊尹有莘氏之媵臣是送女

者雖男亦名媵也

詩我行其野正義

案古人用字不若今人之

泥列子天瑞篇云子列子將嫁於衛男可謂嫁何不可謂

媵乎王士禎池北偶談曰左傳奇文以上叛下亦曰叛如

王叛王孫蘇是也

文十

男子喪妻亦曰寡崔杼生成及彊

而寡是也

襄二

男亦曰媵以井伯媵秦穆姬是也

襄二十三年

侯使析歸父
媵之亦是

六傳晉侯使賈華伐屈解賈華晉大夫

賈逵曰賈華晉右行大夫本傳十年右行賈華之文更記晉世家集解賈氏晉

姬姓也潛夫論志氏姓餘詳桓九年

郤芮曰九年解郤芮郤克祖父成二年正義世本郤豹生冀

芮芮生缺缺生克

子公郤芮之字也國語周語上注郤氏案郤郤同見攷異姬姓晉之公族

也案潛夫論同晉大夫郤文子食邑於郤世爲晉卿以邑爲氏

通志氏族略三案晉語韋注云郤叔虎郤芮之父郤豹也說文

云郤晉大夫叔虎邑也則文子爲豹謚無疑郤芮亦稱冀

芮傳三十三冀其食邑也

圍新密解

今榮陽密縣

正義

鄭人新築密邑故傳稱新密

今河南密縣東南有故密城

案縣屬開封府講春秋解義十六

日

以見楚子於武城解楚地在南陽宛縣北

武城故爲申國地申滅屬楚攷靈王田武城時方爲申之

會宋大子佐後至辭勿見曰屬有宗祧之事於武城又以

徐子爲貳執諸申可見武城爲近申之地今在南陽府北

河南

或謂之武延城

春秋地名攷略入

武城有三倍六年許僖公

見楚子於武城楚地也文八年秦人伐晉取武城晉地也

襄十九年城武城魯地也

春秋分記疆理書十一

楚子問諸逢伯對曰昔武王克殷微子啟如是云云解微子

啟紂庶兄宋之祖也

微子開者殷帝乙之首子而紂之庶兄也

史記宋世家

案尚書

亦以爲殷王元子而是紂之兄呂氏春秋

當務

云生微子時

母猶爲妾及爲妃而生紂故微子爲紂同母庶兄

宋系家索隱

微子啟之事蓋逢伯設辭以動楚君欲其全許耳

趙氏補注三

案馬驢繹史云論語微子去之殷未亡時微子已去矣

而縛之說乃楚人以誑成王受許男之降耳

卷二

正與趙

注相發明昭四年楚靈王滅賴賴子亦如是椒舉固明習

典故者乃卽引許僖公事而不及微子啟可知此爲權辭

馬遷遂傳會之耳

僖

七鄭殺申侯以說于齊且用陳轅濤塗之譖也

申侯自楚奔鄭不忘故國所以道鄭伯背霸從楚以啟霸

主討鄭而致殺身之禍

張氏集注四

陳濤塗怨申侯反己于齊

譖而殺之若然則申侯蓋忠于齊者殺之是怒齊也何名

爲說案申侯始反濤塗之言雖齊所悅然美其賜城將以

爲叛齊矣齊旣賜申侯又難遽殺故鄭殺之所以悅齊

辨義九

案鄭伯逃齊盟而欲從楚者喜於王命也

見五年於

申侯何與蓋虎牢爲嚴邑早啟鄭伯之疑濤塗因譖其叛

鄭而鄭遂以叛齊之名誣之當時殺人以說者多矣何必

皆其本罪耶昔人頗有疑此傳者卓去病獨取熊過氏之

言釋之庶可以渙然已

申侯申出也解姊妹之子爲出

蓋楚女嫁于申所生

顧氏補正上

盟于甯母

解

高平方與縣東有泥母亭音如甯

甯母魯地今山東魚臺縣東穀城鎮卽其地

案縣屬濟寧州日講春

秋解義

十六

洩氏

洩氏亦作泄左傳鄭大夫洩駕

隱五

通志氏族略四

子人氏

桓十四年解

子人卽弟語也其後爲子人氏

子人氏鄭厲公弟子人之後以字爲氏僖廿八年有子人

九

萬氏氏族略

無乃不可乎

無乃猶得無

公羊宣十二年傳注

若總其罪人以臨之

戰國策

西周

曰楚請道以臨韓魏高誘曰臨猶伐也定二年

傳以師臨我同

惠氏補注一

鄭有叔詹

詹鄭卿叔詹伯也

國語晉語四注

子華由是得罪於鄭

服虔注鄭伯罪之也

太平御覽皇親部十二

案此與五年申侯由

是得罪義同凡言得罪者不先明正其罪久乃誅之故十

六年鄭方殺子華

閏月惠王崩

僖公七年戊辰閏十一月乙未小

杜氏經傳長歷

傳於歲尾書閏

月蓋十二月也經兩書閏皆於歲末

文六哀五

此後世所以有

歸餘於終之疑蓋春秋閏法不正爾

春秋分記
歷書二

補釋五

補釋五

圭